




集驗良方

一

六冊

中武9
102
1



10

15

20

25

占歛潭濱黃曉峯重刊

武庫
102
卷 1

集驗良方

喻義堂藏板

序

人生不能無病治病重賴乎醫顧方

雜出議論叢生考究不精適滋疑

誤余岐黃未按性嗜醫方每遇秘傳

輒為手錄思欲擷精聚華簡括成書


俾業醫者有所參討即未知醫者亦



得按症服藥閱今二十餘年有志焉
而未逮也歲甲子適金陵得大中丞
年公所刊集驗良方竊幸發意命志
先得我心之所同惜獲見僅數本深
用悵之後二年訪之友人始得全刻
其中別類分門選方論症無不簡便
兼該人之易曉余纂聚良方夙有勤
志顧茲集刻寔獲我心特鐫板僅見
粵東此書尚未流佈爰重付梓用廣
同儕旅舍舟車歲之書篋遇症以按
方即方以服藥不無稍補醫家於萬
一博雅君子鑒大中丞之用心察余

序
志之適合聊存一體以備檢閱敢曰
利物濟人余與大中丞相頡頏哉
乾隆己巳孟秋上浣古歛潭濱黃晟

曉峯氏書於槐蔭草堂



原序

予素不善醫而性好覽方書凡河間東垣諸名家著作無不取而遍觀之而尤嗜集良方耳目所覩記友朋所傳說悉一一舉而錄之私之篋衍中間或遇病者則出一以療之亦無不隨試輒效由是愈益嗜之如是者三十年矣癸卯春宦遊五嶺土地卑濕山川鬱蒸居斯土者往往以疾疢是慮廷尉梁君適觀察是邦因惠子集驗良方三卷子取而讀之見其論病則抉夫源用藥則歸于正凡病皆有方方皆已驗是

誠萃河間東垣之精英而非世之承陋傳訛者可比
心甚善之意欲廣刷千百本流布人間越半歲梁君
晉秩廷評琴鶴北上板亦隨之度嶺此願竟未酬也
甲辰長夏檢集叢殘得舊錄方書一本其爲梁君所
刻者什之三未刻者什之七恐其久而零落也因合
梁君之書併而梓之以酬向日之願刻旣成將識其
緣起因思大湟槃經新醫舊醫之說而深有感焉夫
舊醫新醫之所用者皆乳藥也當王之初病也新醫
禁舊醫之乳藥國中有欲服者當斬其首而王病愈
及王之復病也新醫占王病仍應服舊醫之乳藥而
王病亦愈夫舊醫之治病也不辨風熱寒溫悉令服
乳新醫之厲禁之宜也迨王之熱病作也非乳不起
而新醫之所以除病者卽所禁舊醫之乳藥而已今
所刻諸方舊醫之乳藥也用者能神而明之則存在
皆爲新醫之乳藥矣若捨舊醫之乳藥而欲別求新
醫之乳藥雖謁大自在天而求之豈可得耶因識其
語于簡端并以貽梁君以爲何如也

雍正二年夏五廣寧年希堯書於五羊官署

請于論說其以謂藥課以爲辨微也
 濟之於藥難精大自出天而末之醫
 昔爲流言之藥矣奇奇醫醫之藥藥
 而後論之書得之藥藥也凡答拍賦而
 而後醫之泡以刺藥者則浪禁醫醫之
 是藥醫之風藥之宜也王之王之藥藥
 王藥亦以夫齊醫之也藥也下遊風藥
 又王之野藥也海醫古王藥也藥藥藥
 藥藥藥藥藥藥藥藥藥藥藥藥藥藥藥

集驗良方目次

卷一

養生

急治

中風

預防中風

傷寒

附中寒

卷二

感冒

瘟疫

附瘴氣

補益

陽痿

卷三

遺精

腰腿

怔忡

消渴

盜汗

藥酒

血症

脾胃

痞積

虫積

暑症

火症

痢瀉

卷四

大小便

痰嗽

心腹疼痛

噎膈痞胃

水腫膨脹

黃疸

瘡疾

疝氣

頭

面

眼

耳

咽喉

牙齒

卷五

鼻

口

舌

鬚髮

婦人

小兒 附痘疹

卷六

瘡毒

疔瘡

頑瘡

癬疥汗斑 附佛子

腿足瘡

瘰癧

痔漏

萬應膏方

筋骨疼痛

集驗良方目錄卷一

養生篇

急治門

紫金錠

許真君七寶如意丹

萬應丹

治陰症欲死立效方

治中暑昏眩方

治中暑仆地方

盛夏時有大熱症

治霍亂神效

治乾霍亂腹痛出汗吐瀉不出危在頃刻

治絞腸沙

代赭石散

治自縊死方

治凍死及落水凍死方

治溺水死

治暴死方

治人卒然仆地不語

治五絕死方

治驚嚇死方

治中煤毒

治瘋狗咬方

治狗咬方

治破傷風及瘋狗咬方

治破傷風方

解百毒方

治箭鏃木竹器傷方

解中諸毒方

解食銀鎗毒方

解斷腸草毒方

解砒霜毒方

解人信毒方

解巴豆毒方

解蒙汗毒方

解鹽酒毒方

解燒酒毒方

解河魴魚毒方

解中魚毒方

解蟹毒方

解食鱉毒方

解中蟲毒預防蟲毒方

治金蠶蠱方

治毒蛇咬方

治蛇毒方

治蜈蚣咬方

蝎蜚毒方

中蚯蚓毒

百蟲入耳

解中藥箭毒方

中諸鬼祟

鬼魘鬼打

魘死并中惡

慣多魘夢

臥忽不醒

人咬

解葷毒蘑菇毒諸草藥毒及閉口椒毒

治湯泡火燒方

治瘧疾方

治湯泡方

治陰症方

救自刎斷喉方

治金刃傷血流不止

金刃散

花蕊石散

治金刃傷

治打撲損傷

中風門

開關散

稀涎方

牛黃清心丸

追風祛痰丸

侯氏黑散

桂枝湯

蘇合香丸

大神效活絡丹

史國公藥酒

治風軟脚方

治癰奇方

仙傳黑虎丹

治女人雞爪風

治口眼歪斜方

治血厥無疾忽死目閉口噤眩暈移時亦醒亦

名鬱冒出汗過多女人尤多此症

治大風惡疾雙目昏暗鼻梁倒塌肌肉潰爛

治鶴膝風 秘傳藥酒方

治鷺掌風 治大麻風

治羊癲瘋神方 治中風不省人事

治卒中風效方 治中風中痰中暑中氣

治癱瘓秘方 治痛風止疼方

治筋骨疼痛如夾板狀不可忍者

治白癩風 茯苓丸治手戰臂痛

治羊癲瘋 治中風中痰急救方

治男女失心瘋方

預防中風門

搜風順氣丸 蘇蘇丸

蘇蘇草膏 晚服竹瀝枳朮丸

竹瀝化痰丸 治虛風

治大麻瘋仙方

傷寒門

太陽經見症法 辨証法

診脈法

用藥法

陽明經見証法

辨証法

診脈法

用藥法

少陽經見証法

辨証法

診脈法

用藥法

太陰經見証法

辨証法

診脈法

用藥法

少陰經見証法

辨証法

厥陰經見証法

辨証法

診脈法

用藥法

傷寒結胸痞滿辨

傷寒伏陰脈大論

傷寒伏脈辨

諸葛行軍散

太陽寒傷營

太陽風傷衛

太陽春夏秋三時發散不與冬時傷寒同治

陽明胃經

陽明熱渴

陽明實熱傳裏

少陽膽經

太陰脾經

太陰腹滿

真寒直中陰經

陰極發燥

厥陰無熱症

厥陰熱症

少陰倦臥寒戰

少陰腹痛下利

少陰自汗潮熱

少陰便實下利

兩感傷寒症

頭痛身熱舌燥口乾陽先受病

腹痛身不熱煩燥口渴陰先受病

裏先下利身體痛以回陽救急

蓄血症其人如狂

陽明熱邪傳裏裏實表虛血熱不散熱氣乘虛

皮膚斑疹

傷寒神昏不語邪傳入心經名越經症

傷寒發狂熱結膀胱名曰如狂症

傷寒熱症又手摸心

傷寒心驚煩燥

傷寒陰陽交

傷寒虛煩不得眠

傷寒餘熱未解

傷寒戴陽症

傷寒肉瞶筋惕亡陽

傷寒無陽症

勞力傷寒宜調榮養胃

傷寒汗下表裏俱虛心煩發熱欲吐

傷寒瘥後昏沉食復 傷寒誤表表虛亡陽

傷寒屢服發表陰虛火動

傷寒陽明大便燥結不可攻宜胆導法

傷寒新瘥勞復 傷寒內傷七情 發迷心驚

傷寒鼻衄 傷寒潮熱結胸

傷寒小結胸

附中寒

治陰症肚疼欲死 治卒倒昏迷

治五臟中寒口噤肢強胃腕停痰冷氣刺皮

治下寒泄痢腹脹吐瀉元氣不接昏迷寒冷之

極

治中寒脈虛燥熱煩渴若用寒涼必死

治中寒肢厥肚疼吐瀉無脈乃寒中陰經

治陰症手足紫黑方

治中寒項痛連背不可轉移俗呼中氣係腎經

中寒行氣不效

中寒汗流不效

中寒既成，汗出不可收，且阻導法。

中寒既成，手足厥黑，六

中寒，既成，手足厥黑，身重，不可動，此中寒也。

中寒，既成，手足厥黑，身重，不可動，此中寒也。

附

養生篇

黃帝問岐伯曰：余聞上古之人，春秋皆度百歲而動作不衰；今人年未半百而動作皆衰者，持勢異耶？人將失之耶？岐伯對曰：上古之人，知道者，法於陰陽，和於術數，飲食有節，起居有常，不妄作勞，故能形與神俱，而終其天年，度百歲。乃去今時之人，不然，以酒為漿，以妄為常，醉以入房，慾竭其精，以耗散其真，不知持滿，不時御神，務快其心，逆於生樂，起居無節，故半百而衰也。觀此，則壽命修短，全係精氣神之盈虧。精

血一敗神氣無所倚附欲長壽而享諸福難矣達者當知精髓有限生之甚難耗之甚易如油盡燈滅若縱慾散精假力藥餌棄真取偽棄內取外不亦愚乎請以貪儉二字醒之貪不久之名利而不貪長久之福壽儉易得之財物而不儉難得之精神况滋味煎其臟腑醴醪煮其腸胃馨香腐其骨髓喜怒悖其正氣思慮消其精神哀樂殃其平粹夫以蕞爾之軀攻之者非一途以易竭之身而內外受敵身非木石何能久乎伐天和以成就世事譬如割肉飾俎刺血染裳而究竟成就亦歸虛幻徒自伐其天和而已語有云寧可疎慵乖物議莫將性命當人情

養生以養心為主故心不病則神不病神不病則人不病

養生之法須要擺脫一切毋以妄想戕真心毋以客氣傷元氣

每日胸中一團太和元氣病從何生
 養心又在凝神神凝則氣聚氣聚則形全若日逐勞攘憂煩神不守舍則易於衰老

收視返聽凝神於太虛無一毫雜想少焉神入氣中
氣與神合則真息自定神明自來不過片晌聞耳
人生以心爲根以腎爲蒂天地相去八萬四千里人
之心腎相去八寸四分中有一脉以通元息之浮沉
息總百脉一呼則百脉皆開一吸則百脉皆闔天地
化工流行亦不出呼吸二字人之呼吸常在於人身
正中處則血氣自固元氣自壯七情不熾百病不治
自消矣

酒之一物爛腸腐胃暗傷元氣更須節飲凡飲酒之
人年至五旬便百病來侵

今人以人參爲上品無論有病無病以服人參爲良
法殊不知人參乃補氣生血助精養神之藥也如驚
悸怔忡健忘恍惚心志懶怯可用也如元補不足虛
羸乏力中氣衰弱可用也如汗下過多津液失守病
劇張皇不能假寐脾胃衰弱飲食減少可用也如小
兒痘瘡灰白倒陷可用也如小兒脾虛發熱倏好倏
熱可用也如婦人胎前扶助真氣可用也如血虛風
眩眼黑頭暈卒倒者可用也如腎虛氣短喘促者可

用也如勞役飢飽所傷內傷中氣不足陷入陰分發熱怠倦四肢無力嘔吐泄瀉飲食無味真陽衰乏腎氣虧損陽道不舉下利清水完穀不化皆可用也惟不利於肺家有熱如久病鬱熱在內宜發不宜補不可用也如諸般痛症邪氣方銳宜散不宜補不可用也如痰實氣壅發喘不可用也如咳嗽吐痰吐血衄血齒衄內熱骨蒸勞瘵陰虛火動之症不可用也如沙疹初發傷寒始作形症未明而邪熱方熾若誤投之鮮有不死不可用也如痢疾初起瘧疾始作無論老少誤用人參便致不救不可用也如婦人產後十五日以前誤用人參性命不保不可用也如瘧毒初起毒火壅盛不可用也如初得中風痰涎壅盛不可用也常見庸醫不辨虛實寒熱動輒輕用人參斃人性命故特表而明之以救人之誤用人參致於死者病有四百四種惟以宿食爲根本又云百病從口而入誠以飲食固養身之資而亦傷身之物也脾胃乃後天之本脾胃得其養氣血日生則諸病不起卽有病亦輕而易療如脾胃傷損則氣血受傷諸病叢生

凡風寒暑濕一有所感便成大病但脾胃喜清虛恬淡不食冷物不食難化之物俾其內無積滯眞氣常舒方得其養若任意恣食甘脆肥濃燒煉煎炒之物或食生冷難化之物日積月久脾胃受傷後天之根本一損則在外之諸症蜂起損之輕而淺者猶可治療若損之重而深者雖有虛區末如之何故人之養生當以節簡飲食調理脾胃爲第一義

婦人以血爲主常有血虛發熱之病俗醫不知每見婦人發熱口渴便用發散之藥一劑不效不知另作斟酌仍連用發散之藥以致陰血愈涸漸成經閉之症及見經閉又用通經峻利之藥元氣愈傷往往致死者不少

古人以小兒爲啞科最難醫治不知小兒止有內傷外感驚風痘疹數症並無奇異別病但小兒氣血未充易虛易實一切諸病由于過飽者多由于過飢者少由于過煖者多由于過寒者少一見身熱痰喘欬嗽當用疎解之藥而不可過于發散若眞知有內傷乳食之症當用消導之藥而不可過于峻利一面治

病一而照管元氣不可傷損俟病勢一退便宜補助
真氣不可仍用發散消導之藥若止發散消導而不
補助其元氣則數日熱退數日又熱變成慢驚者不
少矣

急治門

紫金錠

此藥治暴中暑氣風邪昏暈欲倒霍

亂吐瀉攪腸沙烏沙脹心疼腹痛諸般危症並

治一切山嵐瘴氣水土不服解諸毒療諸瘡利

關竅通治百病奇效不可盡述居家出門不可

少之聖藥也

山茨菇

焙二兩

五倍子

去蟲焙二兩

續隨子仁

去

去油一兩

紅芽大戟

去骨焙一兩五錢

硃砂

三錢水飛

雄黃三錢水飛

麝三錢

共為細末五月五日午時或天德月德日修製
和在一處糯米飯調和木臼中搗千下光潤為
度每錠重一錢輕病服一錠重病服二錠照引
服

許真君七寶如意丹 治一切雜病出門遠行必

需之藥治瘧疾心痛如神

川烏麩煨去皮尖 川黃連 人參 乾薑煨

白茯苓 桔梗 厚朴去皮薑汁炒 肉桂

石菖蒲 川椒去子炒出汗 吳萸鹽湯泡一宿去穢

柴胡 紫苑 猪牙皂煨 去皮

當歸酒洗淨 木香 大附子一個去皮臍童便炮

巴豆霜去壳用紙壓淨油

右十八味各一兩外加檳榔一兩五月五日或
每月上吉日雞犬不聞處依法炮製共為細末
麩糊為丸如梧桐子上好辰砂為衣晒乾收貯
遇病照引用藥

瘟疫熱病三五丸 井水下 十種水氣五丸 茯苓湯下

陰症傷寒九丸 薑汁下 鬼崇邪氣七丸

嵐瘴不服水土 三九

顛狂 五九 俱用 黑棗湯下

誤吞毒藥 九九

消渴泄瀉 三九

諸痢大小便閉 七九

酒毒便紅 三九 俱用 溫酒下

赤痢 五九 黃連湯下

白痢 五九 甘草湯下

反胃膈食 五九 華 澄茄湯下

腸中氣塊痛 五九 薑湯下

痞積 五九 蓬朮薑湯下

腰背痛 三九 鹽湯下

蠱脹 五九 甘草湯下

五瘡 五九 桃枝湯下

黃疽 五九 茵陳湯下

五淋 五九 燈草湯下

蟲積 五九 史君子湯下

腸風臟毒 三九 陳米湯下

疝氣腫痛 三九 茴香湯下

諸痔 三九 淡礬湯下

陰陽二毒傷寒傷風 三九 薄荷湯下

大癩瘋左癱右換偏正頭風 五九 荆芥湯下

鶴膝白紫癩瘋痰風癰 三九 荆芥湯下

喉閉腮腫丹瘤癰疽疔癩 五九 溫酒下

膈氣食積心腹膨脹心氣疼痛 五九 生薑湯下

氣喘咳嗽 三九 生薑湯下

腹中成塊疼痛不止 五九 皂莢湯下

萬應丹

治一切四時傷寒瘟疫中暑風痰頭疼身熱吐

瀉痢瘧心腹疼重者二丸輕者一丸冷水下

京牛黃 三錢 輕粉 一錢 血竭 一錢

巴豆霜 三錢 去皮油 見茶 五分 雄黃 一錢

丁香 五分 沉香 五分 木香 七分

鴉片 六分 冰片 三分 牙皂 八分

硃砂 水飛 為衣

共為末煮棗肉為丸菜豆大磁瓶收貯

治陰症欲死立效方

明礬 一錢 火硝 一錢 胡椒 一錢 黃丹 八分

共為細末用醱醋和成團子握在手心男左女

右以帛扎緊出汗而愈再用理中湯收功 又

方用老葱一握如茶鍾口大切一指厚貼在臍

上用熱熨斗熨之

治中暑昏眩煩悶欲死方挖地深三尺取新汲水

傾入坑內攪濁飲數甌即愈

治中暑仆地方 大蒜一大把道上熱黃土攪和

研爛以新汲水和之去渣挖開齒灌之

盛夏時有大熱症頭大如斗身熱如火者用黃芩

一兩煎汁一茶鍾微溫一氣吃下立愈

又方治熱死不可用冷水澆及飲冷水用草繩盤
在臍上以路上熱黃土填放在內令眾人以小
便澆之用熱湯亦可

治霍亂神效

生王瓜一條

搗汁一酒盃

生薑汁

取汁一盃

右二汁共合一盃灌下即愈

治乾霍亂腹痛出汗吐瀉不出危在頃刻

食鹽一兩

生薑五錢

切片同炒色變以水一

碗煎服不宜熱服好後不可吃飲食

又方炒紅鹽一兩猪牙皂莢一錢煎水服吐出即

效

治絞腸沙方 川明礬三四錢滾水調勻溫服即

效

又方先將兩臂抹下其惡血聚指頭上以針刺其

十指甲下一分半處出血即安

代赭石散治一切嘔吐不止 用旋覆花不拘多

少入代赭石細末一錢調服卽嘔止

治自縊死方 輕輕解下不可割斷繩索不可放

倒安放平坦仰面朝天頭要扶正將手足慢慢屈灣將糞門用力頂住不令洩氣一人用手揪着頭髮將頭扯直再二人將葦筒入耳內不住口吹氣不住手按摩胸前雖氣絕時久多吹多摩亦可救活

又方用老鵝一隻將香油抹鵝嘴上插入糞門內一二時自活若過十三時辰則不救矣

治凍死及落水凍死者但胸前有微熱卽可救活急須脫去濕衣換好人貼身熱衣包之不可令其近火須用布袋盛炒熱爐灰放在心口如冷卽換熱者待開眼以溫酒薑湯灌之

治溺水死用牛一頭或鐵鍋一口將患者橫臥於上口中放箸一根使水可出再以老生薑搯牙齒卽活

治人卒然仆地不語及一切痿痺癱瘓手足搐扯不省人事等症 用皂莢末少許吹入鼻內卽

醒再以藥治之

治暴死方 燒炭一爐以陳醋潑之令病人鼻中聞之即活或菲汁灌鼻亦好

治五絕死方 用生半夏少許吹入鼻中再用生半夏末少許吹入耳內心頭溫者一日猶可活

治鯨噎死 以醇酒灌之

治中煤毒昏暈惡心跌倒急移在風涼處用鹹菜水灌之即愈清水亦可

治瘋狗咬傷 用槐樹白皮一塊安傷處再以白

麪作圈圍之內以人糞填滿蓋槐皮一塊用大艾炙十四五壯候熱透身上出汗即愈

治狗咬方 用白蚯蚓泥和水研敷

治破傷風及瘋狗咬方 用防風獨莖者一兩大

南星泡七次晒乾一兩共為末每服二錢白湯下半日再進一服出汗即愈

又方用斑毛七個去頭足同糯米炒黃色去米不用只用斑毛研末加黃丹一錢黃酒送下毒從

小便中出百日内忌聞鑼鼓聲

治破傷風方 用糞堆內蟻蠶蟲一二個草房上

多有之將蟲脊背捉住捏之口吐黃水抹于瘡
上覺麻身上汗出即愈如病勢危急滴黃水于
熱酒內飲之取汗而愈

解百毒方

粉甘草 生用 二兩 菜豆 一升 水煎服即解

治箭鏃木竹器傷方

用陳臍肉去皮取紅活美好者連肥細切將象
牙末及人瓜甲為末共研極細拌臍肉內再為
勺剝合一處厚敷四旁一飯頃其鏃自出

又方用艾綿攤成餅子將火硝細末鋪上再用大
蠅螂搗成末鋪火硝上包在傷處一日一夜即
出

解中諸毒方 但覺腹中不快即以生黃豆試之
入口不聞腥氣此真中毒也急以升麻煎汁連
連飲之以手探吐自愈

解食銀銷毒方 用黃泥水服二茶鍾即愈
又方每日用飴糖四兩擦成小丸不時以真芝蔴

油吞下

解斷腸草毒方 用抱窩雞子二三枚調蘇油灌下或用大糞汁灌下即可解或用韭菜汁灌下亦可

解砒霜毒方 用甘草湯菜豆湯夏枯草汁或雞子五六枚打碎和勻灌下總以吐盡毒為度醒後仍顛者以菜豆湯飲之毒盡自愈

又方 用白礬三錢新汲水化下吐出即愈或以白蠟三錢研末調雞子清三枚入口即愈

解人信毒方 用藜蘆根青黛皂莢膽礬苦瓜蒂

滑石生甘草生菜豆各等分搗末凉水調灌

解芭豆毒方 凡中此毒口渴面赤五心煩熱泄痢不止黃連煎湯服

解蒙汗毒方 飲冷水即安

解鹽鹵毒方 豆腐漿灌下抹棹布水或肥皂水皆能令吐切不可用熱水

又方 先用活羊血灌下再用肥皂莢煎湯灌下吐出即愈

解燒酒毒方 用鍋蓋上氣流水半盞灌下即醒

解河鮪魚毒方 用橄欖汁蘆根汁糞水皆效或

白茅根搗汁冷飲亦愈

解中魚毒方 用冬瓜搗汁飲之 橄欖搗汁亦

佳

解蟹毒方 用紫蘇汁可解

解食蟹毒方 用鹽汁靛青水俱可

解中蠱毒預防蠱毒方 炙甘草一寸嚼汁燕之

然後飲食若中蠱即吐以炙甘草三兩薑四

兩水六碗煎二碗日三服

治金蚕蠱方 用石榴根皮煎湯飲

治毒蛇咬方

細辛

白芷

各五錢

雄黃

五分

麝少許為末每

服二錢好酒調服

治蛇毒方

五靈脂

雄黃

各等分

黃酒調二錢服下

治蜈蚣咬方 鹽湯洗傷處痛止用劉寄奴擦之

或吳茱萸搗爛敷之或并底泥貼之或雄雞糞

搗水塗之或用蜘蛛一枚近咬處吮盡其毒則
蜘蛛墜下痛卽止取蜘蛛投水中少頃亦活

蝎螫毒方 用井底泥敷痛處乾則再換如無泥
取新汲水以青布隨痛處搭之溫則再易

又方 用膽礬細末搯患處

中蚯蚓毒形如大麻風鬚眉皆落 用石灰泡熱
水候涼洗患處浸之良久愈蜘蛛及百蟲咬俱
以靛青葉搗汁敷之靛青花亦妙葶藶汁塗之
卽消

百蟲入耳不可驚動如在左耳以手緊閉右耳及
兩鼻孔努氣至左耳蟲自出右耳亦然

解中藥箭毒方 用雄黃末敷之沸汁出愈

中諸鬼祟及被鬼附昏迷笑哭急將兩手大指縛
作一排用艾丸在中指爪甲盡頭連肉處灸七
壯或十四壯鬼卽去若鬼去而人尚昏沉者用
麻黃三兩去節杏仁七十粒去皮炙甘草一兩
水二碗煎至一碗灌之愈後仍宜服參耆補正
之藥

鬼魘鬼打之症初到客舍及無人冷房睡中覺鬼物魘打其人啞呃作聲呼之不醒不救則死用牛黃雄黃各一錢硃砂三分研末和勻挑一錢牀下燒之一錢溫酒灌之

魘死并中惡切忌火照但痛咬其脚跟則應聲不同臥者於自己牀內大呼其姓名亦醒如再不醒以皂莢末吹入鼻中打嚏則醒矣
慣多魘夢以通明大硃砂縫囊盛置頂上卽無夢矣兼服天王補心丹

臥忽不醒亦忌火照但痛咬脚大拇指甲際而唾其面則醒如仍不醒以葦菜汁灌入鼻中卽醒
人咬 用溏雞屎塗咬處立刻止痛不作膿

又方 用生栗子嚼爛敷之
解葦毒蘑菇毒諸草藥毒及閉口椒毒用金銀花啖之卽愈

又方 掘黃土地深三尺注水攪渾飲之卽效
治湯泡火燒方

切不可輕用冷水澆洗如一時藥不便先飲童

便一碗或生蘿蔔汁一碗再將生大黃細末或香油或生桐油調敷如爛至肌肉者用山野人家百草霜三錢輕粉一錢五分研末調香油敷之

又方 用大麥入淨砂鍋內炒至漆黑為度取出紙墊上上出火氣研末爛者乾搗未破者以香油或桐油調搽即愈

又方 用水中大蚌四五枚置磁器中少頃口開預置冰片二三分麝香二三分研末以二三分

入蚌口內化為水用雞翎四面掃之再將蚌壳燒灰研末入冰麝少許敷之

治瘧疾方 生半夏 生川貝母各等分研為細末每用一錢生薑汁調下

治湯泡方 用煮熟雞蛋黃炒出油一鍾調生大黃末搗之

治陰症方 取雞一隻將快刀割開雞胸脯用乾燒酒噴上將雞貼在病者小肚子上一個即愈

又方 無論男婦症用雞蛋數個煮熟將蛋頂打

破指甲大一塊去皮用簪子滷一小眼見黃佳
壓肚臍放著如冷再換若真正陰症就見青黑
救有刎斷喉方

自刎者乃迅速之症須救在早遲則額冷氣絕
必難救矣初刎時氣未絕身未冷急用熟雞皮
貼患處安穩枕臥或用絲線縫合刀口摻上桃
花散多揲為要急以綿紙四五層蓋刀口上以
女人舊布裹脚周圍纏遶五六轉扎之頸項鬱
而不直刀口不開三口後急手解去前藥再用

桃花散摻刀口仍急纏扎過數日再用紅玉膏
敷患處外用生肌長肉大膏藥貼之外用絹帛
圍裹針線縫緊候其肉長收功

桃花散石灰半升同大黃一兩五錢切片炒石
灰變紅色為度去大黃篩極細末治一切金瘡
出血不止并效

治金刃傷血流不止

用好雞骨炭擲地有聲者不拘多少與好松香
各等分搗成一塊用老韭菜汁拌入陰乾如此

搗拌三四次後為細末收貯每遇金瘡敷之立愈切不可飲冷水及稀粥只食乾飯

金刀散 治癰疽發背諸般潰爛棒毒金瘡等症

脫腐生新外科收斂之神藥也

煉過松栢香淨末 七兩 枯白礬 一兩五錢

生白礬 一兩五錢

共為極細末磁罐收貯擦傷處立愈

花蕊石散 治金瘡血不止

硫黃 四兩 花蕊石 一兩 右二味和勻先用紙筋

鹽泥固濟用鐵子一個候泥乾入藥於內再用

泥封口候乾安在四方磚石上書八卦五行字

用炭一秤籠疊罔匝自己至午從下着火漸漸

上徹直至經宿火冷炭消冷定多時取出研細

未收貯

治金刃傷血流不止 千年石灰或生半夏研末

敷上即止疼且易收口

治打撲損傷血流不止用葱白搗爛敷上即收口

而愈敷三四次為佳

中風門

神效... 未效... 此藥治中風厥倒牙關緊閉不省人事

開關散

此藥治中風厥倒牙關緊閉不省人事

先用此藥開關

猪牙皂莢

去皮莖二兩用生白礬一兩入水中煮化取出酒乾為末

北細辛

五錢去葉土

二味共為細末用少許吹鼻中即醒又用針刺

十個指甲離指甲一韭葉許出血為妙

稀涎方

此藥專治痰涎壅盛用此先吐其痰然

後用藥

猪牙皂莢 四條去黑皮炙黃 白礬 一兩

共為細末溫酒調三錢徐徐灌下

牛黃清心丸 此藥專治中風痰厥昏暈不醒口

噤痰喘及小兒驚風發搐五癇等症極效

膽星 一兩薑汁炒 白附子 一兩煨 鬱金 五錢

川烏 一兩麩包煨 半夏 一兩皮硝湯泡五次皂莢湯泡一次晒

乾為末

右五味共為細末用臙月黃牛膽三個取汁和

藥仍入膽內扎口掛風簷下至次年取膽內藥

一兩四錢加度過芒硝水飛辰砂礪砂各一錢

冰片麝香各一分研極細末和在一處稀糊為

丸芡實大金箔為衣薑湯化下

追風祛痰丸 治諸般風癱顛風世人患此病者

甚多用此藥甚效

白附子 麩包煨 防風 天麻 姜蚕

牙皂 俱炒燥各一兩 全蝎 炒 木香 各五錢 枯白礬

川黃連 各三錢 南星 三兩白礬牙皂煎湯浸一宿 人參

白木 炒各一兩 半夏 牙皂生薑各二兩搗碎泡湯浸三日六兩

共研為末薑汁和飴糖為丸桐子大每服七八
十九薑湯下

侯氏黑散 治中風四肢煩重心中惡寒不足者

此治中風之第一方也

菊花 四兩 白朮 兩炒一 細辛 三錢

白茯苓 三錢 牡蠣 兩三 生黃芩 一錢

防風 一兩 人參 三錢 礬石 三錢

桔梗 三錢 當歸 三錢 乾薑 三錢

川芎 三錢 桂枝 三錢

右十四味杵為末酒服方寸七日三服初服二

十日用酒調服禁一切肥肉大蒜常宜冷食六

十日止即藥積在腹中不下也熱食即下矣

桂枝湯 治風從外來入客於絡留而不去此一

方為中風一証羣方之祖諸藥中皆宜以此方

加入

桂枝 三錢 白芍 兩酒炒 生甘草 三錢

生薑 三錢 大棗 五枚

右用水煎溫服須臾再食熱稀粥以助藥力

蘇合香丸

此藥專治男婦中風中氣口眼歪斜

不省人事或卒暴心疼鬼魅惡氣小兒驚癇大人狐狸等症

沉香

木香

丁香

白檀

麝

安息香

酒熬膏

香附米

白木

土炒

訶子肉

葶藶

硃砂

犀角

乳香

去油

沒藥

蘇合油

片腦

各五錢

共為細末入腦麝安息香蘇合油同拌勻蜜丸

重一錢黃蠟包皮

大神效活絡丹

此藥專治風濕諸痺口眼歪斜

半身不遂行步艱難筋骨拘攣手足疼痛此藥

宣暢血氣通利經絡

白花蛇

酒浸焙

烏梢蛇

酒浸焙

麻黃

去節

防風

炙草

官桂

草薢

羌活

元參

天麻

藿香

何首烏

白芷

川連

黃耆

熟地

大黃

以上各二兩

細辛

赤芍

硃砂

沒藥

去油

姜蚕

炒

天竺

龜板

炙

乳香 去油

丁香

虎脛骨 炙

台烏藥

青皮

黑附子 製去皮

香附子

白薏仁 炒

骨碎補 去毛

白茯苓

白朮 土炒

當歸

沉香 以上各

全蝎 去毒二錢

葛根

威靈仙

各二兩五錢酒浸

血竭 七錢

犀角 七錢五分

麝 五錢

地龍 去上

松香 五錢

兩頭尖 二兩

川芎 二兩

牛黃 二錢五分

片腦 二錢五分

金箔為衣

共為細末蜜丸重一錢蠟皮包溫酒下隨病上下食前後服

史國公藥酒

此藥專治左癱右換口眼歪斜四肢麻痺筋骨疼痛又治三十六種風二十四種

氣無不立愈

防風 一兩

秦艽 四兩

華薜 酥炙二兩

羌活 二兩

牛膝 二兩

虎脛骨 炙二兩

鱉甲 一兩

當歸 三兩

晚蚕沙 炒二兩

蒼耳子 四兩

甘枸杞 五兩

茄根 八兩

白朮 土炒二兩

杜仲 薑炒三兩

一方加白花蛇 四兩

右用燒酒二十觔糯米酒十五觔生絹盛藥放罈內煮三炷香隨量飲

治風軟脚用丹參浸酒飲之最良

治癩奇方

紫河車 一具米泔水洗淨

人參 五錢

當歸 五錢

將河車蒸熟搗爛將人參當歸為末同搗勻為丸桐子大每服三五十九日進三服人乳下間服八珍湯無不愈者

仙傳黑虎丹 此藥專治男婦氣血衰敗筋骨寒冷外感風濕傳於經絡手足麻木筋骨疼痛久則成左癱右瘓口眼歪斜中風不能步履

蒼朮 切片

草烏 洗切片醋煮

生薑 洗各四兩

生葱 連鬚研二兩

右四味和一处拌勻醃之春五夏三秋七冬十日每日拌一次候數足晒乾入後藥

五靈脂

乳香 去油

沒藥 去油各一錢二分半

川山甲 炮五錢

自然銅 火煨淬七次二錢五分

右同前藥為末好醋糊為丸桐子大每服三十丸空心熱酒送下 婦人血海虛冷肚腸疼痛臨臥醋湯下止服二三十九不可多服服後不

可飲冷水孕婦不宜服

治女人雞爪風十指搖擗服黑虎丹立愈 又方

左右膝骨兩旁各有一小窩共四穴灸三壯即

愈

治口眼歪斜方 菘蕪草不拘多少煎湯露過入

芽糖三兩空心頓服即愈

治血厥無疾忽死目閉口噤眩暈移時方醒亦名

鬱冒出汗過多女人尤多此症用白薇當歸各

一兩人參五錢甘草一錢五分每服五錢水三

盞煎一盞溫服

鶴膝風

番木別四兩酒泡蒸去皮用麻油四五兩熬枯

二兩

大西附子二兩重者童便煮過去皮

大楓子肉二兩燈草同木煮過

川山甲洗淨土炒

以上四味共五兩和勻收貯患者每服七分空

心酒下極醉出微汗七服除根

治大風惡疾雙目昏暗鼻梁倒塌肌肉潰爛

用皂莢刺三觔炭火蒸一日晒乾為末濃煎生
大黃湯下二錢

秘傳藥酒方 治男婦風濕疼痛手足麻木將成

癱瘓之症

白芷

桔梗

白芍炒

川芎

麻黃

白茯苓

製半夏

肉桂

甘草各一兩

陳皮

厚朴炒

枳壳炒

當歸

木瓜

檳榔各一兩

牛膝二兩

蒼朮

杜仲酒炒二兩

烏藥二兩

防己一兩

獨活五錢

火酒五十觔罈內煮過

治鵝掌風 用活蟹煮湯洗數次即愈

治大麻風

用明淨松香不拘多少化去渣取河水用淨鍋
將松香煮化不住手攪視水色如米泔嘗味極
苦者即傾入冷水內將松香乘熱扯拔冷定堅
硬另換清水再煮再拔如前法製不論數十次

只以松香體鬆潔白如玉所煮之水不苦為度
 陰乾為末重羅極細聽用每料二觔每日將白
 粥量投藥末和勻食之不可多嚼日進數次不
 可更吃乾飯只以菜乾笋乾少許過口一切油
 鹽醬醋葷腥酒果糖麪等類概行禁忌渴時只
 飲白滾水每日約服數錢以漸而進不可太驟
 服後大便下毒物服盡一料自愈用煉蜜丸亦
 可

治大麻風方

此藥惟忌房事餘者不忌

玄參

四兩

蒼木

四兩

赤茯苓

四兩

薏仁

四兩

煉蜜為丸每日服一兩

治羊癲風神方

人參三錢

白朮一兩

茯神五錢

山藥三錢

半夏三錢

附子一錢

肉桂一錢

水二碗煎八分臨發時服下即甦

治中風不省人事得病之日便進此藥免成廢人

用栢葉一握葱白一握連根細研如泥無灰酒一大鍾煎一二十沸去渣溫服如不飲酒分作四五次服

治卒中風效方

用藿香正氣散加桂枝二錢羌活一錢五分防風一錢水煎服

治中風中痰中暑中氣乾霍亂

生薑自然汁一鍾童便一鍾和勻灌下

治癱瘓秘方

熟牛骨髓一碗熟白蜜一觔半濾過加炒白麩一觔炒黑乾薑末三兩四味和勻如彈子大每日三四九細嚼黃酒下大效

治痛風止疼方

飛羅麩一兩薑葱汁各五錢牛皮膠三錢共鎔和成膏貼患處止痛

治筋骨疼痛如夾板狀不可忍者

騾子修下蹄爪甲燒灰存性研末或黃酒或湯調服立愈

治白癩風

白蒺藜子六兩生搗為末每服二錢白湯下每日二服一月絕根 又方福龍小便調勻以新青布蘸藥搽之 又方白附子硫黃等分為細末用帶皮生薑自然汁調勻以茄蒂蘸藥搽之 又方羊蹄根去心和肥皂搗爛丸如彈子大一丸布包搽一丸洗浴三四次可愈 茯苓丸治手戰臂痛

製半夏 一兩

白茯苓 一兩

枳壳 炒 五錢

風化朴硝 三錢

共為細末生薑汁打麩糊為

丸桐子大每服百丸

治羊癩風用肥皂子去黑皮取仁焙熟研末每服五分空心白湯下不可間斷

中風中痰急救方

藜蘆末 淡薑湯送如不愈再加甘草湯送吐

出即止

治男女失心瘋方

白礬 三錢

川鬱金 七錢

中風

七

三

共為末九桐子大每服二三錢白滾湯下

預防中風門

凡人兩臂麻木或無名指頭麻木兩眉稜骨疼三
年之內必有大風之至宜預防之

搜風順氣丸

此藥專治上實下虛腰脚疼痛肢

體麻木大便燥結小便赤澁腸風痔漏言語蹇

澁手足不仁服之可以預防中風

熟大黃

五兩 酒蒸

郁李仁

去皮 二兩

枳壳

炒 一兩

火蘇仁

去壳炒 二兩

山藥

炒 二兩

獨活

一兩 五錢

枳殼

山萸肉

蒸 二兩

鬼絲子

二兩

牛膝

酒洗 二兩

車前子

炒 二兩 五錢

共為細末煉蜜丸桐子大茶酒任下二三錢

菴菴丸

驅風去濕通利經絡健脾胃壯筋骨久

久服之可免中風之病

菴菴草一味紅梗者為佳採葉去枝梗用酒拌

蜂蜜調勻柳木籠上蒸三炷香取出晾一日再

用蜂蜜酒拌勻照前蒸丸次晒乾為末煉蜜丸

桐子大每服三錢功效甚大

菴草膏 治三十六種瘋症七十二般痰疾久

久服之和血脉壯筋骨進飲食行步如飛延齡却病最為神妙用紅梗菴草止用嫩葉去粗梗不用用水洗淨揀取四五十觔用大鐵鍋盛水煎汁用絹濾取淨汁再用白蜂蜜三四觔白酒釀五觔熬成膏如漆黑磁瓶收貯白湯調服二三茶匙

晚服竹瀝枳木丸 此藥治痰火清氣除濕祛

眩暈療麻木開鬱平常可服以防中風

白朮 去根土 炒二兩 蒼朮 炒二兩 枳實 炒一兩

製半夏 薑汁泡 炒一兩 陳皮 一兩 白茯苓 一兩

川連 薑汁炒 一兩 製南星 薑汁泡 炒一兩 條芩 酒炒 一兩

當歸 酒洗 一兩 山查 一兩 白芥子 炒一兩

白芍 酒炒 一兩 人參 五錢 木香 二錢

共為細末用神麩六兩薑汁一盞竹瀝一碗者糊為丸桐子大每服百丸薑湯下

竹瀝化痰丸 治一切痰飲胸膈痞塞脾虛不運

咳嗽吐痰咽喉不利

橘紅 一觔

枳壳 炒八兩

黃芩 酒炒八兩

半夏曲 炒四兩

生甘草 四兩

白芥子 炒四兩

神曲 炒四兩

川貝母 四兩

花粉 五兩

竹瀝 一碗

白茯苓 四兩

共為末水丸桐子大每服百丸食遠服

治虛風四肢不舉脾胃虛弱之症

人參 一錢

白朮 土炒一錢

白茯苓 一錢

陳皮 一錢

製半夏 一錢

炙甘草 五分

玉竹 二錢

竹瀝 一酒杯臨服
和入藥內 麥冬 一錢

生薑 一片水煎溫服

治大痲瘋仙方

真漆 一觔 出鍋內炒乾

雄黃 四兩 出鍋內下黃酒

共研末小兒五分大人一錢黃酒送下不過三劑即愈

劑即愈

經中風

生甘草

川貝母

白茯苓

續命丸

治其

其

或

或

傷寒門

附

中

傷寒之症與別病不同若治之不得其法則輕變為

重重變為死故人之死于病者恒少而人之死于醫

者恒多也世人平日多有不知醫理者一遇病至即

延請醫家療治而今之醫家又多素無醫學之人胸

無成見有病在衛而治營病在營而治衛病在營衛

而治其一遺其一與夫病已去營衛而復汗病未去

營衛而誤下以致病人每每死于醫者之手而不覺

醫家亦不自知醫死病人之故而猶曰命當如此殊

傷寒門

傷寒門

三十五

不知染病之人未服醫家之藥而死者命也既服醫家之藥而死者皆錯治之過也今細讀喻嘉言傷寒二論辨論傷寒病症治法甚晰大有功于仲景傷寒一書若果細心學習依法而治庶可少免天札之患但方論三冊恐病家一時未能遍查特將治法大畧摘其緊要名目刊刻數篇以備臨時參考而已

一日太陽經受病頭項痛腰脊強其脉浮二日陽明經受病身熱目痛鼻乾不得眠其脉長皆為在表宜汗三日少陽經受病胸脇痛耳聾往來寒熱其脉弦為半表半裏宜和解四日太陰經受病腹滿噎乾其脉沉細五日少陰經受病口燥舌乾而渴其脉微緩六日厥陰經受病小腹滿囊縮而厥其脉沉澁皆為在裏宜下此其大凡也六日後邪氣衰當不治而愈亦有不罷再傳者或有間經而傳者或有傳至二三經而止者有始終只在一經者或有越經而傳者或有初入太陽不作鬱熱便入少陰而成真陰証者或有直中陰經而作寒証者其間千變萬化疑似難明非神工國手未易窮其變而析其微俗醫浪試鮮不

誤人是以有不用藥爲中醫之說惟一二日初覺頭痛發熱邪正在表急急發散亦可奏功

一傷寒頭疼又身熱便是陽証不可服熱藥蓋太陰病頭不疼身不熱少陰病有發熱而無頭疼厥陰病有頭疼而無發熱故知頭疼又身熱卽是陽証若投熱藥決致死也

一傷寒必須先攻毒氣不可補益蓋邪氣在經絡隨証攻之自愈若妄補正氣使毒氣騰熾每致殺人

一傷寒不思飲食不可溫補脾胃益傷寒邪氣在胃

故不餓不食亦不死理中健脾等藥不可輕服丁香砂仁之類尤不可服

一傷寒腹疼亦有熱証不可輕服溫藥凡身冷厥逆而腹疼者方是陰証若見腹疼便投熱藥每致殺人

一傷寒自利當辨陰陽不可例服補藥熱藥及止瀉藥蓋自利惟身不熱手足溫者屬太陽身冷四逆者屬少陰厥陰其餘身熱下痢皆屬陽証依景仲法治之切勿輕投熱藥

一傷寒胸脇疼及腹脹滿不可妄用艾炙惟寒厥陰

症宜灸每見村落間無藥之處傷寒每用艾灼多致毒氣隨火而盛發喘而死者有之不可不戒也

一傷寒手足厥冷當辨陰陽不可例作陰証蓋傷寒有陽厥有陰厥醫者多不辨往往誤藥殺人凡初病發熱至三四日後熱氣已深大便秘小便赤或譫語昏憤而厥者陽厥也所謂熱深厥亦深急用大承氣湯下之若初病不熱大便不秘小便數引衣自蓋無熱証而厥者卽是陰厥方可用四逆湯之類二厥脈皆沉然陽厥脈沉而滑陰厥脈沉而弱陽厥指爪時溫陰厥則常冷此爲別也

一傷寒病已在裏卽不可用發汗藥蓋傷寒証須分表裏如發熱惡寒是表証宜發汗如不惡寒反惡熱卽是裏症不宜發汗又有半表半裏之症及無表裏之証皆不可下不可汗宜隨症治之

一傷寒飲水爲欲愈不可令其恣飲過度凡病人大渴欲飲水當與之以消熱氣故仲景以飲水爲欲愈但因而恣飲恐將來爲嘔爲喘爲咳逆爲下利爲腫爲悸爲水結胸爲小便不利者多矣宜常令不足爲

善

一傷寒病初愈不可過飽及勞動或食羊肉行房諸厚味飲酒亦不必再服藥蓋脾胃纔復不可過食不能消化病卽再作若食羊肉飲醇酒及行房者犯之必死

一傷寒用藥必須以証參脉方保無誤恐知脉者鮮宜辨視舌色分其表裏初病邪在表舌色自紅而無白黃等胎邪入於裏則黃胎見爲胃毒也宜調胃承氣湯下之胎去而安若悞用湯丸及失下其胎必黑變爲壞証此爲難治若胎色純黑如漆者十死一生心火亢極也宜速下之

一傷寒陰陽二証治法天淵然有陽証似陰者四肢厥冷昏迷不醒似是陰証然身雖寒反不欲衣口渴指甲紅色大便閉小便赤其脉沉滑此爲陽証似陰當承氣湯下之不可作陰証治有陰証似陽者煩燥面赤身熱似是陽証然身雖熱反欲得衣口不渴指甲黑色大小便利手足逆冷脉微此爲陰証似陽法當溫之不可作陽証治

一傷寒腹疼不辨寒熱將凉水一碗與之飲其痛稍可者屬熱當用涼藥清之清之不已達臍硬痛大便結實者急用寒藥下之其或飲水痛甚則屬寒當用溫藥和之和之不已四肢厥冷嘔吐瀉痢急用熱藥溫之

一傷寒六七日後若尚有表証頭痛發熱宜汗者以羌活沖和湯微汗之若有裏証便秘惡熱者以大柴胡湯微下之二方平和中病當愈卽不中病亦可無害若麻黃承氣等湯非知脈明理者必不可用

太陽經見症法

頭項痛腰脊強發熱惡寒惡心是足太陽膀胱經受証假如先起惡寒者本病已後發熱者標病若有一毫頭痛惡寒身熱不拘日數多少便宜發散自然熱退身涼有何變証

辨証法

表虛自汗者爲風傷衛氣宜實表
表實無汗者爲寒傷榮血宜發表

診脈

脈浮緊有力為傷寒

脈浮緩無力為傷風

用藥法

冬月正傷寒用升陽發表湯即加減麻黃湯

冬月傷風用疎邪實表湯即加減桂枝湯

春秋無汗用羌活沖和湯發表有汗用加減沖和湯

實表

夏月無汗用神朮湯有汗用前加減沖和湯

陽明經見証法

目痛鼻乾不眠微惡寒是足陽明經受証假如先

起目痛惡寒身熱者陽明經本病已後潮熱自汗譫

語發渴大便實者正陽胃府標病本宜解肌標宜急

下看消息用之

辨証法

目痛鼻乾微惡寒身熱病在經

潮熱自汗譫語便實不惡寒病在府

診脈法

脈見微洪為經病

脈見沉數爲府病

用藥法

微惡寒自然目眶痛鼻乾不眠者用柴葛解肌湯卽
加減葛根解肌湯渴而有汗不解者如神白虎湯卽
加減白虎湯
潮熱自汗譫語發渴揭去衣被擲足斑黃狂亂
不惡寒反怕熱大便實者輕則大柴胡湯重則三承
氣選用俱在秘方六乙順氣湯內加減治之

少陽經見証法

耳聾脇痛寒熱嘔而口苦是足少陽胆經受証假如
先起惡寒身熱耳聾脇痛者本病已後嘔而舌乾口
苦者標病緣膽無出入病在半表半裏之間正宜
小柴胡湯加減和解表裏治之再無別湯此經有三
禁不可汗下吐也若治之得法有何壞症常須識此
宜當審焉

辨証法

耳聾脇痛寒熱嘔而口苦舌乾便屬半表半裏証不
從標本從乎中治

診脈法

脈見弦數本經證

用藥法

耳聾脇痛寒熱嘔而口苦舌乾者用柴胡雙解飲即
加減小柴胡湯

太陰經見証法

腹滿自利津不到咽手足溫者是足太陰脾經受証
假如先起腹痛咽乾者本病已後身目黃標病內有
寒熱所分不可混治

辨証法

腹痛咽乾發黃者屬府熱

自利不渴或嘔吐者屬臟寒

診脈法

脈見沉而有力宜當下

脈見沉而無力宜當溫

用藥法

腹滿咽乾手足溫腹痛者桂枝大黃湯身目黃者茵
陳大黃湯自利不渴或嘔吐者加味理中湯重則回

陽急救湯

少陰經見証法

舌乾口燥是足少陰腎經受証假如先起舌乾口燥者本病已後譫語大便實標病至陰經則難拘定法或可溫而或可下陰分直中者寒証傳經者熱証

辨証法

大要口燥舌乾渴而譫語大便實或連臍硬痛或下利純清水心下硬痛者俱是邪熱燥屎使然宜用白虎湯六一順氣湯治之無熱惡寒厥冷倦臥不渴或腹痛嘔吐瀉利沉重或陰毒手指甲唇青嘔逆絞痛身如被杖面如刀刮戰慄者俱是寒邪中表使然急用四逆湯真武湯溫之

厥陰經見証法

煩滿囊縮者是足厥陰肝經受証假如先起消渴煩滿者木病已後舌卷囊縮者標病亦有寒熱兩端不可概作熱治

辨証法

煩滿囊縮消渴者屬熱

口吐涎沫不渴厥冷者屬寒

似瘧不嘔清便自調者必自愈

診脈法

脈沉實者宜當下

脈沉遲者宜當溫

脈浮緩者病自愈

明藥法

消渴煩滿舌卷囊縮大便實手足乍冷乍溫者急用六一順氣湯下之口吐涎沫或四肢厥冷不溫過于

用膝不渴小腹絞痛嘔逆者急用加味理中湯溫之

傷寒結胸痞滿辨

傷寒結胸者今人不分曾下與未下便呼爲結胸便與枳桔湯反成真結胸者有之殊不知乃因下早而成未經下者非結胸也乃表邪傳至胸中未入于府証雖滿悶尚爲在表正屬少陽部分只消小柴胡加枳桔以治其悶如未効則以木方對小陷胸湯一服豁然若因下早而成者方可用陷胸湯分淺深從緩而治之不宜太峻此乃清道至高之分若過下之則

傷元氣也太陽証無汗此寒傷榮血治當發表而誤下之榮血重傷而成痞滿太陽証有汗此風傷衛氣治當實表而誤下之衛氣重傷而成結胸脈浮大者未可下猶帶表証若結胸証煩躁悉具者必死矣

傷寒伏陰脈大論用藥之誤

夫病身不熱頭不疼初起怕寒四肢厥冷腹痛嘔吐泄瀉倦臥沉默不渴脈來沉遲無力人皆共知爲陰証必矣至於發熱面赤煩燥揭去衣被脈大人皆不識認作陽症誤投寒藥死者多矣不知陰証不分熱與不熱須憑脈下藥至爲切當不問脈之浮沉大小但指下無力重按全無便是伏陰不可與涼藥急與五積散一服通解表裏之寒隨手而愈若內有沉寒必須姜附以溫之切忌勿泄脈雖洪大按之無力重按全無者陰脈也若將伏陰之証而誤作熱症用涼藥治之則渴愈盛而燥愈急豈得生乎此取脈不取証也

傷寒伏脈辨

夫頭疼發熱惡寒或一手無脈兩手全無膚俗以爲

陽証得陰脈便呼為不治殊不知此因寒邪不得發越便為陰伏故脈伏必有寒邪當汗之

太陽膀胱寒傷于營發熱惡寒項脊強重腰痛頭疼如斧劈身似火燒脈浮緊無汗宜麻黃湯有汗者不可服

麻黃 白芍炒 桂枝 炙甘草

加川芎 白芷 羌活 防風

各升陽發表湯葱白三個薑三片淡豆豉一撮水煎熱服出汗汗出即止不可多服

諸葛行軍散○治冬月正傷寒發汗之藥也取効如神

綠豆粉一兩 麻黃去節一兩 乾薑一兩

陳皮一兩

共為細末涼水服三錢發汗即愈不可覆被太厚致令汗出太多

太陽風傷于衛頭疼發熱惡寒鼻塞項脊強重脈浮緩白汗宜桂枝湯無汗者不可服

大棗 桂枝 白芍炒 炙甘草

生薑 加防風 川芎 名疎邪實表湯

水煎溫服服後食熱稀粥助微汗即止 汗不

止加蜜炒黃耆○喘加柴胡杏仁○胸中飽悶

加炒枳壳桔梗

太陽經春夏秋三時感冒暴寒無汗發熱頭疼惡寒

脊強脈浮緊是表症宜用羌活冲和湯以發散之

不與冬時正傷寒同治此湯非獨治三時暴寒春

可治溫夏可治熱秋可治濕各羌活冲和湯

羌活 一錢 防風 一錢 蒼朮 炒一錢半

白芷 一錢 甘草 一錢 生地 一錢

細辛 五分 不川芎 一錢 黃芩 一錢

如胸中飽悶加枳壳桔梗去生地

夏月加煨石膏知母○不作汗加蘇葉○喘而

惡寒身熱加杏仁生地汗後不解宜再服汗下

兼行加大黃

春夏秋感冒非時傷風亦有頭疼惡寒身熱脈

浮緩自汗宜實表本方去蒼朮加白朮汗不止

加炒黃耆即加減冲和湯汗再不止以小柴胡

加桂枝炒白芍各一錢如神 水二鍾薑二片

葱白五個棗二枚煎服

陽明胃經身熱鼻乾目痛不得眠用柴葛解肌湯

柴胡

黃芩

葛根

白芍州

羌活

濕加

煨石膏

白芷

桔梗

生草

喘加杏仁

身痛加
茶末

薑棗煎服

本經無汗惡寒去黃芩加麻黃

陽明身熱渴而有汗不解或經汗過渴不解者脈來

微洪宜如神白虎湯

石膏煨

知母

甘草

糯米

人參

麥冬

五味子

山梔

花粉

生薑一片棗二枚淡竹葉十片煎服無渴者不

可服

陽明實熱傳裏心下堅硬大便燥結發熱譫語白汁

出不惡寒揚手擲足脈沉實者大承氣湯

生大黃酒洗芒硝

厚朴炒

枳實

水煎熱服

少陽膽經胸脇痛耳聾口苦舌乾往來寒熱而嘔屬

半表半裏宜和解不可汗下利小便宜柴胡雙解

散

柴胡 黃芩 製半夏 人參 甘草

白茯苓 白芍藥炒

薑棗煎服 嘔加陳皮竹茹薑汁 痰加瓜蒌

仁貝母 口乾加知母石膏 心中飽悶加桔

梗枳壳 心下痞滿加枳實黃連 內熱甚錯

語心煩不得眠合黃連解毒湯 小便不利大

便瀉合四苓散 夾熱而痢加炒黃連炒白芍

太陰脾經腹滿而痛咽乾而渴手足溫脈沉而有力

此因邪熱從陽經傳入陰經也宜桂枝大黃湯

桂枝 大黃 白芍炒 甘草

枳實炒 柴胡 生薑煎服

太陰腹滿身舌發黃小便不利大便實發渴或頭汗

至頸而還脈來沉重宜茵陳將軍湯

茵陳 大黃 梔子 黃芩

枳實各一錢炒 甘草稍三分 滑石末二錢 厚朴炒一錢

水煎熱服以利為度

真寒直中陰經症不從陽經傳來一傷寒初起無頭

痛無身熱便就怕寒四肢厥冷或過于肘膝或腹痛吐瀉或口吐白沫或戰慄面如刀刮引衣踈臥不渴脈沉遲無力宜回陽救急湯

大附子切包煨去皮臍 乾薑 人參 肉桂

製半夏 五味子 白茯苓 炙甘草

白木炒 陳皮 薑棗煎服

陰極發躁症微渴面赤欲坐臥於泥水井中脈沉遲無力或脈全無欲絕者不可服涼藥若誤認為熱症而用涼藥死不可復生矣服熱藥而躁不止者

宜再服躁自定宜回陽返本湯

大附子麩包煨去皮臍 乾薑 炙甘草 人參

麥冬去心 蠟茶 五味子 陳皮

薑棗煎服 無脈加豬膽汁一茶匙 嘔加薑

汁炒半夏

厥陰肝經初起無熱無頭痛止有腹痛怕寒手足厥冷或下利嘔吐煩滿囊縮宜加味理中湯

人參 白木炒 乾薑 炙甘草

肉桂 陳皮

生薑煎服臨飲加入木香汁薑汁各一匙

厥陰怕熱發渴譫語大便燥實胸腹滿硬手足乍冷

乍溫宜六一順氣湯

大黃

枳實炒

黃芩

厚朴炒

甘草

柴胡

芷硝

白芍

水煎臨服入鐵鏽水三匙

少陰腎經引衣倦臥惡寒或腹痛吐瀉戰慄不已宜

四逆湯

附子煨

乾薑

炙甘草

水煎溫服

少陰腹痛下利有水氣者宜真武湯

白茯苓

白芍炒

生薑

白朮炒

附子

水煎熱服

少陰自汗潮熱渴而譫語宜白虎湯

煨石膏

知母

甘草

粳米

水煎溫服

少陰大便實口燥咽乾怕熱譫語或下利清水遶臍

疼痛宜六一順氣湯

方見厥陰

兩感傷寒症一日傳兩經過六日不治

頭痛身熱惡寒舌燥口乾以陽先受病者宜沖和

靈寶湯

羌活 防風 生地 川芎 細辛

黃芩 柴胡 白芷 乾葛 甘草

煨石膏

薑棗煎服加薄荷十片冬月去黃芩石膏加麻

黃

腹痛身不熱煩燥譫語口渴以陰先受病者宜六

一順氣湯 方見厥陰

如裏先下利身體痛者又當以回陽救急湯治之

方見太陰

蓄血症熱蓄膀胱其人如狂小水自利大便黑小腹

滿痛身目黃譫語燥渴名蓄血症脈沉有力下盡

黑物則愈宜桃仁承氣湯如未服前而血自下者

為欲愈不必服

桃仁 桂枝 大黃 芒硝 柴胡

甘草 青皮 炒 枳實 炒 白芍 炒 當歸

薑棗煎服臨服入蘇木二錢煎二沸服

陽明熱邪傳裏裏實表虛血熱不散熱氣乘虛出於皮膚而為斑也輕如疹子重如錦紋甚則皮膚斑爛或本屬陽謨投熱藥或當汗不汗當下不下或下後未解者皆能致此不可發汗重令開洩更加斑爛也宜消斑青黛飲

柴胡 元參 黃連 知母 生地

煨石膏 犀角 青黛 人參 甘草

山梔仁

薑棗煎服大便實去入參加大黃二錢

凡汗下不解耳聾足冷煩悶欬嘔便是發斑之候

傷寒漸變神昏不語或呓中獨語一二句日赤唇焦將水與則蒸不與則不思形如醉人此邪傳入心經因心火上通肺經所以神昏名曰越經症宜瀉心導赤飲

黃連 黃芩 甘草 犀角 滑石

麥門冬 山梔仁 白茯苓 知母 人參

薑棗燈心煎服臨服人生地黃汁三匙

傷寒初得病無熱狂言煩躁不安精采不與人同不可認為發狂而用下藥死者多矣不知此因邪熱結于膀胱名曰如狂症宜桂苓飲子

豬苓

澤瀉

枳枝

甘草

黃柏

知母

白朮炒

山梔仁

滑石

生薑燈心煎服

傷寒熱症又手摸心循衣摸牀譫語昏沉不省人事醫者不識見病便為風症而用風藥誤人多矣殊不知肝熱乘于肺金元氣虛不能主持名曰撮空

症小便利者可治宜升陽散火湯

人參

當歸

黃芩

柴胡

麥冬

白芍炒

白朮炒

陳皮

白茯苓

甘草

薑棗煎服

有痰加製半夏

大便燥實譫語

發渴加大黃泄瀉加升麻

傷寒日數過多其熱不退夢寐不寧心驚恍惚煩躁多痰宜竹茹溫胆湯

柴胡二錢

竹茹二錢

桔梗一錢

人參五分

枳實炒一錢

黃連一分

麥冬五分

陳皮一錢

半夏一錢

白茯苓一錢

香附八分

甘草三分

薑棗煎服

傷寒曾經汗下後而熱不退頭疼不清脈數實身尚

煩躁渴不止是陰陽交此症甚危因其人平素有

積熱或因心事動火也宜加減解毒湯

黃連一分

梔子一分

黃芩一分

柴胡一錢

知母二錢

乾葛一錢

羌活一錢

防風一錢

連翹一錢

人參一分

當歸一錢

生地一錢

甘草一錢

水煎服

傷寒或汗或吐或下後心胸滿悶或頭疼微汗虛煩

不得眠反覆顛倒心中懊憹乃煩熱佛鬱手內而

氣不宜通故也宜梔豉湯

肥梔子

江西淡豆豉

水煎溫服

嘔噦加生薑陳皮

有宿食而煩

躁者加大黃下後腹滿而煩加枳實厚朴

下後身熱而煩加甘草乾薑瘥後勞復加枳實

傷寒發汗後經中餘熱未解宜

柴胡

前胡

枳壳

桔梗

連翹

黃芩

赤芍

乾葛

白茯苓

半夏

川芎

薄荷

甘草

生薑煎服

煩躁加麥冬淡竹葉

傷寒無頭疼無惡寒身微熱面赤微渴目無精光語

出無倫

脈數無力此汗下太過下元虛弱無根

虛火泛上名曰戴陽症宜復元湯

熟附子

甘草

乾薑

人參

麥冬

五味子

黃連

知母

白芍炒

薑棗葱煎臨服入童便三匙溫服

傷寒汗下後頭眩振振欲倒地及肉瞶筋惕或大汗

後衛虛亾陽汗出不止或下後利不止脈來無

宜溫經益元湯

附子製

人參

白朮炒

炙甘草

白芍炒

當歸酒洗

黃芪蜜炒

生地

乾薑

肉桂

薑棗糯米煎服

傷寒頭疼發熱項脊強惡寒無汗用發汗藥二三劑

汗不出者此陽虛不能作汗名曰無陽症宜再發散

黃芪炒 人參 桂枝 炙甘草

熟附子 細辛 羌活 防風

川芎 煨生薑 白芍炒

棗二枚煎服夏月加黃芩煨石膏

頭疼身熱惡寒微渴濺然汗出身疼脚腿酸痛無力
沉倦脈空浮無力醫者不識因見頭疼惡寒發熱
便呼為正傷寒而大發其汗所以輕變重而誤人
者多矣殊不知勞力內傷氣血外感寒邪宜甘溫
之劑則愈名曰勞力傷寒症宜調榮養胃湯

炒黃芪 人參 白木炒 陳皮 當歸

柴胡 川芎 炙甘草 羌活 防風

薑棗煎服

傷寒已經汗下表裏俱虛津液枯竭心煩發熱氣逆
欲吐宜竹葉石膏湯

煨石膏 一錢 製半夏 一錢五分 麥冬 一錢五分

人參 一錢 甘草 一錢

竹葉十片生薑三片粳米百粒煎服

傷寒瘧後昏沉發熱渴而譫語失神及百合勞復食復等症宜柴胡百合湯

柴胡

人參

黃芩

百合

知母

白茯苓

白芍炒

鰲甲

甘草

薑棗煎服

傷寒頭疼發熱身痛惡寒口乾不思飲食時醫誤投發表攻擊之藥過多發得表虛上氣喘急口乾不食肢體昏沉冷汗大出以致亡陽等症宜補中益

氣湯

依本方加蜜炒白芍酒炒桂枝炒棗仁炒

附子浮小麥倍加黃芪

傷寒頭痛發熱口乾屢服發表解肌之藥而日晡發

熱猶甚或日輕夜重此陰虛火動也宜六味地黃

湯加酒炒黃柏知母

傷寒陽明自汗小便利而大便燥結不可攻者宜胆

導法

用豬苦胆一枚少入香油將細竹管一頭插入

胆內緊緊縛住一頭口吹氣脹滿捏住插入糞

門自通

傷寒新瘥方起勞動應事或多言勞神而復發熱者名曰勞復宜益氣養神湯

人參 一錢 白茯苓 七分 當歸 錢 白芍 錢 炒 一

麥冬 一錢 知母 一錢 梔子仁 錢 炒 一 前胡 七分

陳皮 五分 升麻 三分

棗一枚煎服

傷寒有患憎寒壯熱頭痛昏沉迷悶上氣喘急口出涎沫此因內傷七情以致痰迷心竅神不守舍神

出舍空空則痰生名曰挾痰証

茯苓 半夏 南星 枳實 炒 黃芩

白朮 陳皮 甘草 桔梗 黃連

瓜蒌仁 人參

年力壯盛先用吐痰法次服此方

水二鍾薑三片棗二枚煎之臨服入竹瀝薑汁

傷寒熱極鼻衄成流久不止者或執毒入深吐血不止者宜生地芩連湯

黃芩 山梔 桔梗 甘草 生地

黃連

柴胡

川芎

芍藥

犀角

外用劫法水紙搭於鼻衝

如去血過多錯語失神撮空閉目不知人事者

同治法水二鍾棗二枚煎至八分臨服入茅根

搗汁磨京墨調飲如無茅根藕汁亦可

傷寒下之早表邪入裏心下滿而鞭痛或重汗而復

下之不大便五六日舌上燥渴日晡潮熱從心至

小腹鞭滿痛不可近或無大熱但頭微汗出脈沉

為水結胸宜大陷胸湯

大黃

芒硝

甘遂

水煎溫服

傷寒誤下小結胸正在心下按之則痛脈浮滑者及

痰熱塞胸宜小陷胸湯

黃連

半夏製

瓜蒌實

去子

水煎溫服

附中寒 治陰症肚疼欲死之症立刻見效亦治陰

症傷寒

枯礬

火硝

胡椒

黃丹

各一錢

丁香

五分

共為細末用老醋調成團子握在手心男左女右以帛絹扎之出汗而愈

治中寒卒倒昏迷不醒先用熱酒薑汁各半盞灌下後用理中湯

人參

白朮

土炒

乾薑

炒

炙甘草

各三錢

水煎服

又治五臟中寒口噤四肢強直兼胃腕停痰冷氣刺疼

又治下寒泄痢腹脹大便清穀大吐大瀉之後元氣不接昏迷等症寒冷之極者加大附子二錢

麵包煨去皮臍名附子理中湯

治中寒脈虛而微細雖躁熱煩渴用理中湯浸冷服之若用寒涼必死

治中寒身涼怕寒四肢厥冷肚疼吐瀉無脈者此寒中陰經也用回陽救急湯方見傷寒太陰

治陰症手足紫黑方

黑料豆三合炒熟好酒烹滾熟服加葱鬚同烹更妙此方甚效

治中寒項筋痛連背髀不可轉移俗呼爲串氣痛此
係腎經中寒所致用行氣藥不效也

用大附子一枚火炮去皮臍爲末每服二錢用川
椒三十粒以白麵填滿水一盞生薑七分同煎至
七分去椒入鹽少許空心服

東京神田區富山町九番地

沼野孝太郎

少 117

